

河縣志卷之七

邑令古吳杜灝拙初氏手輯

子玉林
姪文瀛 參校

人物志上

涉壤素稱固陋顧自建邑以來人物之挺生其卓然傑出者未嘗不後先輝映落落相望于其間延及近世抑若不無稍替然士之樹立在已苟自矜奮安在今之必讓千古也爰即舊志及其蕪區其類厘其次並續增其所未及志人物

宦望

宋

張思鈞祖中正五代時漢澤州刺史思鈞善擊劍挽強初應募

為卒晉開運間屢從征討立戰功宋初授龍虎衛指揮時李
繼勳下遼州思鈞出戰擒其將莫山鮑叔掠人騎二百餘乾
德中以勞秩遷都虞侯從戰於石嶺關齊延琛苗景潛軍中
思鈞鼓勁騎突入救遂自是大將出必辟思鈞為先鋒領兵
援磁窑身中數百創奮不顧乃逐賊薄軍城邊人來攻思鈞
逆戰斬首不可勝計上嘉之命賜服帶領河州刺史邊人復
寇河間思鈞翼從劉廷讓禦之時天大寒援兵不至因敗績
為賊所虜役數年自契丹逃歸補澄州刺史兼知齊州踰月
徙濮鄆濱棣州巡檢既改廊延巡檢會寇逼你安思鈞與曹
琛往援寇乃遁真宗嗣位徙益州鈐轄綿漢九州都巡檢王

鈞之亂思鈞攻克之斬偽刺史苗進又與石普敗賊弥年皆
後罹罪削籍流封州尋復起用車駕幸澶淵召詣行在議兵
事賜服御有加累遷至左千牛衛將軍卒時年八十有九子
承恩為三班奉職思鈞質狀小而精悍太宗嘗称樓羅人因

目為小樓羅馬

參宋史本傳節錄。按思鈞官爵事蹟皆顯著於宋時舊志列之于晉殊未協今特更正

王儀字公淑少靜慎好學登第後補梓州通泉尉歷具定府司
理叅軍開封府尉權洺州防禦推官以荐兼黃州城茶場兼
知縣事裁滿常數外羨四十萬斤改大理寺丞知絳州曲沃
縣移監雲安監又知將陵縣改國子博士後累遷資州刺史
值載凶遷徙之民絡驛於道御府賜金諸郡易穀以賑公竭

誠畢力惟懼不得如意復募其丁壯修城郭藉以生者不勝計州獄先繫十餘囚坐劫取民財穀法當死儀曰此等本良民遇荒裁迫于凍餒無大蠹也遽命條其狀驛聞制報皆得減死召歸用祀明堂恩轉宮苑使兼知磁州卒孫宏幼聰明讀書過目成誦遇事敢為綽有祖風舉進士值靖康亂遂隱居不仕

陳薦字彥升慶曆中進士為華陽尉盜殺人棄尸民田荐出驗有以移尸告者田主遂殺其母縣欲歸獄于田主荐不可已而果獲盜從韓琦定州河東幕府性水強簡澹琦獨知之最深嘗稱其廉於進勇於退嫌疑間毫髮不處荐為秘閣校理

累遷天章閣待制進知制誥知諫院薛向首謀取橫山功不成
成存請以漢王恢之罪罪句除龍首閣直學士河北都轉運
使時河決水官議尅期以築長堤大役丁夫存以民力方困
且河未能為大害請紓之以戡月築出知蔡州後召為寶文
閣學士兼侍讀進資政殿學士擢其子厚御史台主簿未幾
提舉崇福宮卒年六十九贈光祿大夫乾隆二十一年邑令

杜灝申請崇祀鄉賢

叅宋史本傳節錄書

元

張文謙字仲謙幼與劉秉忠同學世祖居潛邸受邢州分地秉
忠孝文謙可用召見命掌王府書記邢州當要衝初分隸勲

臣食邑監領者多徵求民不堪命文謙與秉忠言語世祖乃另選人往治之洗蠹革貪流亡皆復不期月戶增十倍由是世祖益重儒士任之以政皆自文謙發之會大理不服征之因殺信使世祖欲屠其城謙力諫止伐宋方啟行復以王者不嗜殺為言世祖即位立中書省以文謙為左丞建立紀綱講明利病以安國便民為務因執旱奏免常賦什之四商酒稅什之二時大臣議欲每事奏聞不關白省府文謙曰朝政不聞中書古無是理遂不果行詔文謙行省西夏中興等路元俗素鄙野事無統記文謙至部署之不旬月俗為一變後唐來漢延二渠溉田十數萬頃人蒙其利會涪州妖人事覺

逮捕百餘人命文謙往決其獄惟三人坐矣市餘皆得釋尋
拜大司農卿奏開藉田行祭先農先蠶等禮復又請立國子
學教諭貴胄子弟遷都御史丞時歷法裁久寢差命許衡等
造新歷乃授文謙昭文館大學士領太史院以總其事累官

樞密副使卒年六十八贈太師開府儀同三司上柱國追封

魏國公謚忠宣長子宴少有文孝名舉進士累官至御史中

丞贈陝西行省平章政事封魏國公謚文靖今崇祀鄉賢

史本傳
節錄

張世英舉進士為盧氏尹下車初修舉廢墜期年政治大行撫
字之外開山通道興利除弊未嘗稍遺餘力後卒於官邑人

建祠祀之並立石以紀其善績

孔天鐸字文振至聖齋官至金符管車千戶兼邢州學校提舉
威德遠揚文章擅是時占藉於縣之北俎子孫遂為沙河
人次子福字伯祥天才英發非泉可肩選充唐山尉太行盜
賊叢午委捕驍勇無敵西境一寧朝推其勲陞南和尹福長
子章字顯卿工文章試中選人品粹然後充順德學正

明

許能字任之永樂間以貢入太學一日上夢緋衣人升殿翌日
能蚤朝異之遂授兵科給事中尋轉禮科居諫垣七年忠諫
頗多陞浙江叅議時錢塘江水為患能塞治有功民建祠祀

之累官山西左布政使

孫睿字慧之篤志向學一時從學者甚衆累試弗售卒業太學
任山西都司經歷司省會 睿以廉慎見称考滿乞歸士

林嘉其恬退

朱裳字公垂誕夕父夢明 入室如斗大稍長穎異過人每舉

足必就高處曰吾處不污也年十四補諸生讀書鬻舍躬執
爨衣食不足恬如也自號安貧子督學顧其雅重之俾受學
於翰林崔銑銑大奇之舉鄉荐進太學結交天下名士或有
問其志者曰堯舜君民孔顏師友素所願也登正德九年進
士擢御史巡鹽山西時權奸錢寧遣官市鹽裳禁不與有賣

緣奏討者事下戶部尚書石公价曰朱御史不汝允也遂中止
巡按山東前御史王相忤鎮守中官黎鑑被誣下詔獄裳
抗疏直相劾鑑八罪武宗遂自宣府裳請下罪已詔新庶政
以結人心山東大水淹城武單二城以裳言命相地改築武
宗幸南都久裳極言小人熒惑之害且以正心誦季戒遊佚
近儒臣四事進規出知鞏昌府西夷猖獗設方畧因之洵中
食盡乃殪之功聞於朝賞賚銀幣有如未幾舉治行卓異第
一在鞏昌虽婦人孺子無不稱清太守云擢温處兵備道曠
徒党聚幾四十年繳剏即解散改浙江副使日啜菜羹妻拚
井白迎父就羹同列知其貧製衣一裝為壽父亦拒不納時

重人奪巡按王璜官輿論不平裳以萬壽節入賀重人欲得
一言以藉口乃佯問曰王御史不法作何狀對曰真御史也
重人大慚遷左叅政總督糧儲凡徵派必躬其事吏弊悉革
遷福建按察使遇懷安縣獄囚之變乃相機設法勅於海上
政暇則與諸生講學閩士述有無倦錄給事中劉世揚荐海
內賢能七人公列第二陞浙江布政使剔厘弊竇胥吏無所
容其奸晉右副都御史督理河道時黃河南徙糧運不通乃
相厥地宜量水勢規畫以奏上允之尋以父喪歸久不起居
家一如寒士鄉人僉謂俯仰無愧相與建無愧亭逮世宗南
巡謁行在命以故官總理河道迎章聖太后梓宮冒暑疾趨

卒於通州舟次訃聞上傷悼不已賜塋祭追贈戶部右侍郎

謚端簡今崇祀鄉賢

泰明史本
傳節錄

安秩由裁貢任山東陵縣令存心謹慎興學校勸農桑又任湖

廣邵陽縣剛明廉潔陞武崗州牧卒於官

胡慥字希誠少貧力孝以裁貢授平定州訓導陞通許教諭宗

禮教賑貧寒士類多觀法後引年歸鄉評重之

孔天敘字大經好古文詞由舉人知解州以剛介自持會上官

有求於解天敘毅然曰民不堪命矣何以應之遂忤上官意

解組歸居家友愛兄弟鄉人稱之

郝守已性坦夷好讀書史寓宋丞相祠肄業夜群盜劫主僧聞

守已在即解散曰勿令郝某知之後由臧貢任安邑主簿清白一如寒素因疾致政歸

李可愛性倜儻工詩文已酉舉於鄉授修武令清田弭盜丁父憂補長子縣尋陞濟南通判駐劄遼陽時有疑獄久不夫公司糧餉已病卧令從者戶外以次擊鼓至罪人一詰即伏人皆謂神米幾卒於官

韓九疇字宗禹天性朗夷由臧貢任山東青城縣丞拯守廉介尤勤撫字以忤上官意告歸居家無異寒士嘗植柏數十株於學宮遇有蝗蝻虔誠設祭以禳之蝗即飛去一鄉不為害人皆謂其德之所感云

胡錫字子受由職貢任陝西慶陽通判分督寧夏五衛軍儲兼
晉府諸藩祿革創厘弊豪強屏息時狡虜肆掠錫奉委巡視
戰場賞罰一秉至公借署兵道者三用法詳明不避權倖朝
延課賞邊功賜銀幣陞遼東安樂州知州遇神宗登極及立
后恩詔俱進階一級

胡繪職貢生初任山西臨縣訓導遷稷山教諭後歷補山東安
邱歷城二縣學嘗捐俸賑貧生年八十卒於家宗
族鄉党咸称其德

趙從學英毅廉潔恥同時好為文多自得而詩尤所長甲午鄉
試中式初任山西靈邱令以才調四川東鄉縣民有大害設

法除之川人立祠祀焉洎陞陝西鳳翔通判攝平涼府事宗藩有毆死親母者累年莫敢決從學竟抵以法後因遘疾歸卒於家

趙如崑字師美性警敏嗜學以臧貢授河南息縣令興學作士發伏摘奸開復內外城濠改建固城巡檢防禦保障一方極周密尋擢中都判職專糧餉有屬官某懷金謁獻立按以法撫按咸有清介之譽繼守和州以直道忤權貴引疾歸有負債者貧不能償遂焚其券其人立木主於家祀焉

許應奎字汝徵自號子庵年十三從父宗堯遊太學未幾父卒於都下應奎子身扶柩遠葬事母盡孝治學尤勤十五遊邑

庠屢舉不第由職貢卒業成均選授壽光主簿有惠政民咸
悅服遷歷城縣丞服政愈勤持身愈謹名孚上下委任無虛
日所治漕河疏導以時運輸得無逗留後丁母憂歸竟以哀
毀卒

張進德字勉仁號北河幼孤立博學稽古貢入成均任汝寧經
厯奉檄委催屢年負欠一意奉公不私權貴後遷秦府紀善
時有儀兵失禮即糾劾之仍進條約以聞王甚嘉納命鐫石
示久及歸王親製詩以贈之居鄉恭慎窮經史訓後輩為一
邑所矜式其孫師顏另載義烈

李希儒字松亭由貢生授神木令有千戶犯法欲賂以求解希